

**COFNODION Y CYFARFOD FFURFIOL A CHYFARFOD BLYNYDDOL
CYDBWYLLGOR CORFFOEDIG Y CANOLBARTH A GYNHALIWDYD AR
WEMINAR ZOOM DDYDD LLUN, 31 GORFFENNAF 2023**

11.15 am tan 12.45 pm

YN BRESENNOL

Cyngor Sir Powys

Y Cynghorydd Sir James Gibson-Watt, Arweinydd / Cadeirydd CCC Canolbarth Cymru

Nigel Brinn, Cyfarwyddwr Gweithredol

Clive Pinney, Pennaeth Gwasanaethau Cyfreithiol a Democrataidd / Swyddog Monitro CCC

Julie Williams, Swyddog Cefnogi Rhaglen (*gofalu am y cofnodion*) (CCC)

Cyngor Sir Ceredigion

Y Cynghorydd Sir Bryan Davies, Arweinydd / Is-gadeirydd CCC Canolbarth Cymru

Eifion Evans, Prif Weithredwr

Carwyn Jones-Evans, Rheolwr Gwasanaeth Twf a Datblygu Mawr

Carol Thomas, Cyfieithydd

Bannau Brycheiniog

Y Cynghorydd Sir Gareth Ratcliffe, Is-gadeirydd Awdurdod Parc Cenedlaethol Bannau Brycheiniog

Gareth Jones, Cyfarwyddwr Cynllunio a Lle

1.	CROESO A CHYFLWYNIADAU
----	------------------------

Croesawodd y Cadeirydd, y Cynghorydd Sir Bryan Davies, bawb i Gyfarfod Ffurfiol a Blynyddol CCC Canolbarth Cymru.

Dymunai'r Cynghorydd Sir Bryan Davies nodi ei ddiolchiadau personol ynghyd ag anfon ei ddymuniadau gorau i Dr Caroline Turner am y dyfodol, yn dilyn y cyhoeddiad diweddar am ei hymadawiad â Chyngor Sir Powys.

2/3.	PENODI CADEIRYDD AC IS-GADEIRYDD 2023/24
------	--

Enwebodd y Cynghorydd Sir Gareth Ratcliffe, y Cynghorydd Sir James Gibson-Watt fel Cadeirydd CCC ar gyfer 2023/24. Eiliwyd hyn gan y Cynghorydd Sir Bryan Davies.

PENDERFYNWYD penodi'r Cynghorydd Sir James Gibson-Watt fel Cadeirydd am y flwyddyn sy'n dod (2023/24)

Enwebodd y Cynghorydd Sir Gareth Ratcliffe, y Cynghorydd Sir Bryan Davies fel Is-gadeirydd CCC ar gyfer 2023/24. Eiliwyd hyn gan y Cynghorydd Sir, James Gibson-Watt.

PENDERFYNWYD penodi'r Cynghorydd Sir Bryan Davies fel Is-gadeirydd y flwyddyn sy'n dod (2023-24)

Fel y cytunwyd yn y Cyfansoddiad, bydd Cadeirydd y CCC yn newid am yn ail flwyddyn rhwng Arweinydd Cyngor Sir Powys a Chyngor Sir Ceredigion.

4.	PRESENOLDEB AC YMDDIHEURIADAU
----	-------------------------------

Ymddiheuriadau a dderbyniwyd -

Cyngor Sir Powys Jack Straw, Prif Weithredwr Dros Dro
Nicola Williams, Rheolwr Cyflenwi Rhaglen Strategol (CCC)

Cyngor Sir Ceredigion
Barry Rees, Cyfarwyddwr Corfforaethol
Duncan Hall, Swyddog Adran 151 a Swyddog Arwain Corfforaethol: Cyllid a Chaffael
Justin Davies, Rheolwr Corfforaethol: Cyllid Craidd

5.	DATGANIAD O DDIDDORDEB PERSONOL
----	---------------------------------

Ni chafwyd unrhyw ddatganiad o ddiddordeb a oedd yn berthnasol i'r materion i'w hystyried ar yr agenda.

6.	COFNODION Y CYFARFODYDD BLAENOROL
----	-----------------------------------

- Cymeradwyo'r cofnodion—
Cyfarfod CCC a Chyfarfod Cyffredinol – 4 Gorffennaf 2022
CCC – 19 Ionawr 2023

Cynigiodd Y Cynghorydd Sir Gareth Ratcliffe fod cofnodion Cyfarfod CCC a Chyfarfod Cyffredinol CCC a gynhaliwyd ar 4 Gorffennaf 2022 yn cael eu harwyddo fel cofnod cywir; eiliodd Y Cynghorydd Sir Bryan Davies.

Cynigiodd Y Cynghorydd Sir Gareth Ratcliffe fod cofnodion cyfarfod CCC a gynhaliwyd ar 19 Ionawr 2023 yn cael eu harwyddo fel cofnod cywir; eiliwyd hyn gan Y Cynghorydd Sir Bryan Davies.

7.	ADRODDIADAU YNGHYLCH NEWIDIADAU I'R CYFANSODDIAD
----	--

Cyflwynodd y Swyddog Monitro yr adroddiad am Gyfansoddiad CCC Canolbarth Cymru.

ARGYMHELLIAD

Mae'n ofynnol penodi Prif Weithredwr i CCC ond nid yw'n ofynnol penodi Dirprwy yn ôl cyfansoddiad CCC yn ei fformat bresennol.

Mae Prif Weithredwr presennol CCC ar absenoldeb salwch hir ac i leddfu'r broblem, mae'r Cadeirydd a'r Is-gadeirydd wedi cytuno i benodi Eifion Evans fel Prif Weithredwr (Prif Weithredwr Dros Dro ar yr adeg honno). I osgoi hyn fynd yn ei flaen, awgrymwyd diwygio Adran 6 2.1 a 2.2 y Cyfansoddiad fel y'i gosodwyd ym mharagraff 2.2 yr adroddiad sy'n darparu ar gyfer penodi Dirprwy Brif Weithredwr ac yn ei alluogi i gymryd drosodd o'r Prif Weithredwr pryd bynnag y bydd cais i wneud hynny, am ba bynnag reswm.

Cynigiwyd mabwysiadu'r argymhelliad gan Y Cynghorydd Sir Bryan Davies. Eiliwyd hyn gan Y Cynghorydd Sir Gareth Ratcliffe.

PENDERFYNWYD diwygio Adran 6.2.1 a 2.2 Cyfansoddiad CCC gan y Swyddog Monitro.

8.	PENODI PRIF SWYDDOG GWEITHREDOL A DIRPRWY BRIF SWYDDOG GWEITHREDOL CCC
----	--

Eglurodd y Swyddog Monitro fod Eifion Evans wedi bod yn Brif Weithredwr Gweithredol a Jack Straw yn Brif Weithredwr Dros Dro tra'r oedd Caroline Turner ar absenoldeb salwch hir.

Yn y Cyfarfod Cyffredinol hwn, fel sydd wedi ei nodi yn y Cyfansoddiad, daw Eifion Evans i fod yn Brif Weithredwr yn awtomatig, a Jack Straw yn Ddirprwy Brif Weithredwr Dros Dro (tra bo Dr Turner ar absenoldeb salwch).

Pe byddai Prif Weithredwr newydd yn cael ei benodi/ ei phenodi gan Gyngor Sir Powys, yna byddai ef/ hi yn dyfod i fod yn Ddirprwy Brif Weithredwr CCC.

9.	ADRODDIAD GAN BRIF WEITHREDWR CCC – CYNLLUN CORFFORAETHOL A NODAU LLESIANT
----	--

Cyflwynodd Prif Weithredwr CCC, Eifion Evans ddiweddariad i'w Adroddiad sy'n berthnasol i gynhyrchu Cynllun Corfforaethol CCC.

Mae'n ofynnol, yn ôl cyfarwyddyd statudol a gyhoeddwyd gan Lywodraeth Cymru, fod nifer o ofynion statudol yn cael eu bodloni yn enwedig dyletswyddau sector cyhoeddus. Mae gan Archwilio Cymru ddyletswydd i adolygu cydymffurfiaeth o dan Ddeddf Llesiant a Chenedlaethau'r Dyfodol (Cymru) 2015.

Cytunwyd ar ddatblygu Cynllun Corfforaethol ac mae angen i hwn fynegi cyfeiriad y daith a rhannu gweledigaeth y Bwrdd.

Cafwyd cytundeb cyfunol ar y strwythur a'r Cyfansoddiad fel y gwnaeth y Swyddog Monitro gyfeirio ato eisoes. Cafodd diwygiadau eu gwneud i rai meysydd i sicrhau cydnherthedd wrth gyflenwi dyletswyddau fel Cyd-bwyllgor Corfforedig.

Cytunwyd ar y tri philer gofynnol yn ôl Llywodraeth Cymru, bydd un yn canolbwyntio ar Gynllunio Strategol, gyda un arall am Drafnidiaeth a bydd trydydd piler yn canolbwyntio ar Lesiant Economaidd.

Mae'r CCC a'i is-bwyllgorau yn cynnwys Awdurdodau Llywodraeth Leol, sydd, yn Rhanbarth Canolbarth Cymru'n cynnwys Cyngor Sir Powys, Cyngor Sir Ceredigion a Pharc Cenedlaethol Bannau Brycheiniog. Mae gan bob un ei gyfrifoldebau strategaeth i gynhyrchu nodau Llesiant, ond y cyfle ar gyfer y CCC yma yw i fod yn eglur o ran pa nodau sy'n berthnasol i'r 3 philer sydd wedi cael eu dynodi.

Cafodd y cynllun ei ddatblygu ac mae'n hen fynd rhagddo i'w gwblhau. Yn adran 5 yr Adroddiad, ceir llinell amser sydd wedi ei osod allan ar gyfer cyflenwi a'r mabwysiadu a chyhoeddi terfynol, a'r nod ar gyfer hyn yw Rhagfyr 2023.

ARGYMHELLION

- 1) Aelodau i nodi'r cynnydd a gwneud sylwadau am yr ymagwedd arfaethedig i ddatblygu'r Cynllun Corfforaethol.**
- 2) Aelodau i ddarparu sylw am y Nodau Llesiant drafft.**
- 3) Aelodau i nodi'r amserlen ar gyfer datblygiad, ymgynghoriad a mabwysiadu'r Cynllun Corfforaethol.**

Croesawodd y Cadeirydd unrhyw sylwadau am yr Adroddiad.

Gwnaeth y Cynghorydd Sir Gareth Ratcliffe y sylw ei fod yn hapus â'r 3 nod ond yr hoffai ymgorffori Newid Hinsawdd oddi fewn i rai o'r nodau gan gydnabod y gallai hynny fod yn anodd ar yr adeg hon.

Nodwyd, ac esboniodd y Prif Weithredwr wrth i gynnydd gael ei wneud yn y dyfodol, y bydd cynaliadwyedd a newid hinsawdd yn themâu sy'n traws-dorri ac a fydd yn hidlo ar draws yr holl ymarferion gwaith sydd angen eu hymgorffori i mewn i'r Cynllun Corfforaethol.

Nodwyd, ar y cyd â Deddf Llesiant Cenedlaethau'r Dyfodol, fod dyletswydd adolygu'r Datganiadau a Strategaethau Corfforaethol yn eu tro a gwneud yn siŵr fod rhain yn cael eu hymgorffori fel rhan o CCC ehangach.

Ceisiodd y Swyddog Monitro gael eglurder a chadarnhad y byddai gallu'r CCC i wneud sylw am y Cynllun Corfforaethol drafft ar gael ar gyfer gweithdy mis Medi.

Gofynnodd y Cynghorydd Sir Gareth Ratcliffe a oedd pawb yn hapus ag amserlen Rhagfyr 2023. Rhoddwyd sicrwydd fod fersiwn ddrafft, er nad oedd wedi ei chyflwyno heddiw, wedi gwneud cynnydd sylweddol ac y bydd yn bodloni'r ffrâm amser a roddwyd.

PENDERFYNWYD: Mae'r Cynghorydd Sir Gareth Ratcliffe yn cynnig fod y 3 argymhelliad yn cael eu derbyn. Cafodd hyn ei eilio gan y Cynghorydd Sir Bryan Davies.

10.	ADRODDIAD ODDI BRIF WEITHREDWR CCC - ARGYMHELLION ODDI WRTH YR IS-BWYLLGORAU CYNLLUNIO DATBLYGIAD STRATEGOL, CYNLLUNIO TRAFNIDIAETH RHANBARTHOL A LLESIANT ECONOMAIDD
-----	---

Cyflwynodd Prif Weithredwr CCC, Eifion Evans adroddiad o ran cynnydd gwaith Is-bwyllgorau CCC Canolbarth Cymru.

Mae rhai tasgau allweddol yn ofynnol ac fe gadarnhawyd fod y CCC yn gorff sydd wedi darparu cyfeiriad strategol i'r rhanbarthau i gyflenwi ar gyfer y 3 philer sydd eisoes wedi eu dynodi.

Caiff heriau eu hwynebu mewn perthynas â'r gofynion statudol i ddatblygu'r Cynllun Datblygu Strategol ac mae eglurder yn cael ei geisio oddi wrth Lywodraeth Cymru a'r Gweinidogion fel mater o frys o ran y ffordd orau i ddeilio â'r rhain gan ystyried fod 3 chorff cyfansoddol ar wahanol gamau o'r cynlluniau datblygu.

GWEITHREDU – Prif Weithredwr i ysgrifennu'n ffurfiol at Lywodraeth Cymru i geisio cael cyfarfod cyn gynted ag sy'n bosibl ynghylch y Cynllun Datblygiad Strategol .

Mae'r her nesaf ynghylch Cynllunio Trafnidiaeth Rhanbarthol, a bu cydweithio arno ers sawl blwyddyn ac mae wedi profi i fod yn llwyddiannus gyda Swyddogion sy'n gweithio ledled y rhanbarth, gan gyflenwi'r weledigaeth hon.

Y bwriad yw parhau gyda'r bartneriaeth hon, fodd bynnag, roedd hen gorff TraCC yn cynnwys De Gwynedd, a oedd ar ôl hynny'n eistedd ar CCC Gogledd Cymru sy'n ychwanegu at y cymhlethdod.

Er nad yw darparu cyd-gynllun trafndiaeth rhanbarthol yn rhywbeth newydd i'r ddau awdurdod lleol, yr hyn sydd wedi newid yw ffin y cynllun newydd. Ni fydd mwyach yn cynnwys ardal ddeheuol Cyngor Gwynedd, felly bydd angen i'r tri awdurdod lleol sy'n ymwneud ar hyn o bryd â fforwm Trawsgludiad Canolbarth Cymru ystyried a yw'n ofynnol i'r adnodd hwn barhau ac a oes angen ymagwedd wahanol i ddatblygu'r CTRh newydd gan y CCC, a bod dyblygiad wrth i TraCC barhau i weithredu.

Y trydydd piler yw Datblygu Economaidd, mae'r neges yn glir fod yn rhaid i CCC ychwanegu gwerth at gyberthnasau waith y rhanbarth. Cafodd cydberthynas waith hen sefydledig ei adeiladu gan y ddau Awdurdod Lleol a Bannau Brycheiniog. Felly, byddai'r cynnig yn integreiddiad graddol o'r strategaethau economaidd, pan fo'n briodol, i'r modd mae CCC yn gweithio.

ARGYMHELLION

Argymhellir fod Aelodau CCC Canolbarth Cymru a Chyngor Ceredigion yn cymeradwyo'r canlynol o ran cynnydd yn y gwaith gyda'r tri is-bwyllgor CCC.

Cynllun Datblygu Strategol (CDS)

- 1. CCC i gael eglurhad am sefyllfa gyfreithiol y rhanbarth wrth symud i waith CDS, gan adael Powys mewn cyfnod 'dim cynllun'.**
- 2. CCC i gefnogi gofynion adnoddau'r gwaith cyn-baratoadol wrth sefydlu'r CDS a datblygu'r Cytundeb Cyflenwi.**

Cynllun Trafnidiaeth Rhanbarthol (CTRh)

- 1. Dechrau ar waith Is-Bwyllgor Trafnidiaeth CCC a gofyn i Lywodraeth Cymru gyflwyno ar Gyfarwyddyd Trafnidiaeth Rhanbarthol.**
- 2. Ymgymryd â gwaith i asesu costau i ymgymryd â CTRh.**
- 3. Gofyn i Swyddog Arweiniol Trafnidiaeth GMW arwain y gwaith.**
- 4. Cadarnhau nad yw ardal ddeheuol Gwynedd wedi ei chynnwys yn y cynllun trafndiaeth rhanbarthol newydd ac i awdurdodau lleol Ceredigion a Phowys adolygu'r rôl ac a oes angen cadw grŵp trafndiaeth presennol TraCC.**

Llesiant Economaidd

- 1. Bod CCC Canolbarth Cymru yn penderfynu derbyn diweddariad i'r Weledigaeth ar gyfer Tyfu Canolbarth Cymru oddi wrth Bartneriaeth GMW yn yr hydref, er mwyn ystyried mabwysiadu fel strategaeth i'r maes gwaith hwn.**
- 2. Bod CCC Canolbarth Cymru yn darparu mandad ar gyfer yr is-bwyllgor i ddechrau cyfarfod yn anffurfiol i ddechrau cwmpasu a manylu ar opsiynau yn ôl yr hyn a amlinellwyd yn yr adroddiad, adrodd yn ôl mewn cynllun gan y Cyfarfod CCC nesaf sydd ar gael.**

Amlygodd Y Cyngorydd Sir Bryan Davies nad oedd Arweinydd Gwynedd yn hapus â'r trefniadau wrth symud ymlaen yn ystod cyfarfod diweddar a oedd yn cynnwys

Arweinyddion Cyngorau Sir Powys, Ceredigion a Gwynedd, ynghylch newidiadau arfaethedig i CTRh.

Awgrymir bod cyfarfod swyddogol pellach ar wahân yn cael ei drefnu ynghylch TraCC gyda CS Gwynedd i amlinellu ac egluro'r cynigion yn yr adroddiad hwn.

GWEITHREDU – Prif Weithredwr i anfon llythyr ymlaen sy'n cynnig cyfarfod pellach gyda CS Gwynedd ynghylch TraCC a'r newidiadau arfaethedig wrth symud ymlaen.

Trafodaeth ynghylch a ddylai'r argymhellion uchod gael eu trafod yn unigol neu fel un. Hysbysodd y Swyddog Monitro y byddai'r naill neu'r llall yn dderbyniol.

Byddai'r Cynghorydd Sir Gareth Ratcliffe yn hapus i gymryd yr argymhellion fel cyfanwaith, nid yw Bannau Brycheiniog yn cael ei gynrychioli ar 2 o'r Is-Bwyllgorau ond mae'n pwysleisio'r effaith ar y Parc Cenedlaethol a'r angen i ymgysylltu i helpu gyda'r ddau faes hynny.

Ymgynghorodd y Cadeirydd gyda'r Swyddog Monitro i geisio cael cyngor am a oes gan yr Is-bwyllgorau'r gallu i ddirprwyo neu i gael aelodau fel arsyllwyr heb bleidlais. Hysbyswyd y gellid bob amser diwygio'r Cyfansoddiad yn ystod y cyfarfod nesaf ond yn y cyfamser y gellir defnyddio peth hyblygrwydd.

Croesawyd hyn gan y Cynghorydd Sir Gareth Ratcliffe, ac awgrymodd cyfarfod ar wahân â Cath Mealing-Jones PSG APCBB. Mae eu sefyllfa'n unigryw, gan eistedd ar 3 CCC gwahanol Canolbarth Cymru. Gwnaeth Gareth Jones y sylw ar gyfer CCC y De-orllewin, mae Bannau Brycheiniog yn aelod dirprwyedig Is-bwyllgorau Trafnidiaeth Rhanbarthol a Llesiant Economaidd, a gellir trafod hyn ymhellach.

GWEITHREDU – Cytunwyd y byddai Swyddogion yn cwrdd ar wahân, edrych ar yr hyn sy'n gyfreithiol a chytuno ar ffordd ymlaen a'i gyflwyno i'r cyfarfod nesaf ym mis Hydref 2023.

PENDERFYNWYD: Cynigiodd y Cynghorydd Sir Bryan Davies fod yr argymhellion uchod yn cael eu derbyn. Eiliwyd hyn gan Y Cynghorydd Sir Gareth Ratcliffe.

11.	UNRHYW FUSNES ARALL
-----	---------------------

Mae'r Cynghorydd Sir Bryan Davies yn dymuno ailadrodd y drafodaeth â'r Gweinidogion perthnasol ynghylch CDS ac LDP. Mae'r Prif Weithredwr wedi nodi hyn a chymryd hyn fel gweithredu uniongyrchol.

Diolchodd y Cadeirydd i bawb am eu presenoldeb a daeth y cyfarfod i ben.

Cyfarfod Nesaf – Dydd Iau 12 Hydref 2023 11 am – 12.30 pm / Zoom Gweminar

